

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
妙覺-普光明殿



二. 十住 – 忉利天宮

佛昇須彌頂品

菩薩雲集妙勝殿上說偈品

菩薩十住品

梵行品

初發心菩薩功德品

明法品



華嚴經菩薩雲集妙勝殿上說偈品之一		
神力集眾		爾時，十方各過百佛世界微塵數刹，一一方各十世界，
十華世界		其世界名因陀羅；次名蓮華；次名眾寶；次名優鉢羅；次名妙行；次名善行；次名歡喜；次名星宿；次名無厭慈；次名虛空。
十月佛果		其佛號不變月；次號無盡月；次號不動月；次號香風月；次號自在天月；次號清淨月；次號無上月；次號星宿月；次號不衰變月；次號無量自在月。
十慧菩薩		其菩薩名法慧；次名一切慧；次名勝慧；次名功德慧；次名精進慧；次名善慧；次名智慧；次名真實慧；次名無上慧；次名堅固慧。
十方同化		此諸菩薩各於其國佛所，淨修梵行。爾時，佛神力故，彼一一菩薩，各將一佛世界微塵數菩薩眷屬俱，來詣佛所，恭敬禮拜。又佛神力故，化作寶藏師子之座，結跏趺坐，充滿十方。如此世界須彌山頂，菩薩雲集；十方世界亦復如是。（此十方來眾，結構見附14-1）
放足指光		爾時，世尊從兩足指，放百千億妙色光明，普照十方一切世界諸四天下菩提樹下須彌山頂妙勝殿上，如來大眾，皆悉顯現。
東方——大圓鏡智 法慧菩薩		爾時，法慧菩薩承佛神力，普觀十方，以偈頌曰：（十方慧菩薩承佛威神說偈，所說偈讚皆從根本智十波羅蜜而來）
	佛	天人師悉現，一切嚴淨刹，須彌山王頂，帝釋妙勝殿，
	法	哀受天王請，故處其宮殿，一一各以十，吉祥偈讚佛。
	僧	諸佛大眷屬，清淨菩薩眾，斯從十方來，跏趺正安坐。
	精進	各同其名字，如我菩薩眾，捨離於本刹，往詣諸佛所。
	禪定	本國諸世尊，名號皆悉同，各於其佛所，淨修菩薩行。
	般若	諸佛子當知，如來威神力，一切世界中，各謂佛在前。
	方便	今我等見佛，坐釋妙勝殿，十方亦如是，如來自在力。
	願	一切世界中，發心求佛者，先立清淨願，修習菩薩行。
	力	菩薩淨修行，無量無數劫，於法界無礙，無能測量者。
	智	悉普照十方，滅除愚癡闇，一切無與等，是故莫能知。
南方——平等性智 一切慧菩薩		爾時，一切慧菩薩承佛神力，普觀十方，以偈頌曰：
	佛	無量無數劫，雖常見如來，於此正法中，猶未觀真實，
	法	妄想取諸法，增長癡惑網，輪迴生死中，盲冥不見佛。
	僧	雖復觀諸法，猶未見實相，一切法生滅，但著假名字，
	精進	一切法無生，一切法無滅，若能如是解，諸佛常現前。
	禪定	無取亦無見，空寂無真實，諸佛本來空，不可得思量。
	般若	若解一切法，不可思量者，彼於諸煩惱，其心無所染。
	方便	虛妄取法相，是則為癡冥，是故不見佛，亦不得真實。
	願	牟尼離三世，相好悉具足，於住無所住，法界悉清淨。
	力	因緣故法生，因緣故法滅，如是觀如來，究竟離癡惑。
	智	法慧先已說，清淨微妙法，我從彼勝聞，菩提難思議。

華嚴經菩薩雲集妙勝殿上說偈品之二

西方——妙觀察智 勝慧菩薩		爾時，勝慧菩薩承佛神力，普觀十方，以偈頌曰：
	佛	如來智甚深，一切莫能測，不知真實法，世間悉迷惑。
	法	童蒙思惟是，虛妄取諸法，是故不見佛，具足清淨相。
	僧	愚癡心迷惑，妄取五陰相，不了真實性，是故不見佛。
	精進	分別一切法，皆悉無真實，如是解諸法，則見盧舍那。
	禪定	因前五陰故，後陰相續生，次第解五陰，見佛難思議。
	般若	如寶在闇處，無明故不見，真諦無說者，雖慧莫能觀。
	方便	如目不明淨，不見微妙色，如是不淨心，不見諸佛法。
	願	猶如明淨日，無目者不見，若人心諂曲，終不觀諸佛。
	力	故當淨慧眼，觀察諸法相，見法相明了，猶如鏡中像。
	智	一切慧先說，清淨微妙法，我從彼勝聞，見佛盧舍那。
北方——成所作智 功德慧菩薩		爾時，功德慧菩薩承佛神力，普觀十方，以偈頌曰：
	佛	諸法虛無實，妄取堅固相，是故童蒙者，常轉生死輪。
	法	不善非勝法，妄作勝法相，是故生障礙，愚癡常輪轉。
	僧	不知八正道，云何知自心？彼因顛倒想，增長一切惡。
	精進	不見諸法空，常受無量苦，彼人不成就，清淨法眼故。
	禪定	欲知一切心，先當求法眼，如我所說者，能見真實佛。
	般若	若有見佛者，其心無所著，彼則見真實，如佛所說法。
	方便	若見大智慧，如來妙法身，能見如來故，彼有清淨眼。
	願	無見乃能見，一切真實法，於法有所見，彼則無所見。
	力	妙哉真實法，佛以導眾生，一切諸有中，無生亦無死。
	智	勝慧先已說，清淨微妙法，我從彼勝聞，深解諸佛道。
東方——彌勒法相智 精進慧菩薩		爾時，精進慧菩薩承佛神力，普觀十方，以偈頌曰：
	佛	以諸妄想行，慧眼不清淨，愚癡邪見增，常不見諸佛。
	法	若能見邪偽，及以真實法，諦了實不實，則見清淨佛。
	僧	見者則是垢，彼則無所見，諸佛離所見，是故見清淨。
	精進	世間語言法，虛妄無真實，知世從緣起，能離生死患。
	禪定	世間非世間，觀察悉平等，二俱知真實，是名真見者。
	般若	若能如是觀，漏盡得自在，非有亦非無，是名不二見。
	方便	虛妄非虛妄，非是諸佛法，真實無二相，法性清淨故。
	願	法性自清淨，無相如虛空，一切無能說，智者如是觀。
	力	樂觀一切法，寂滅無所有，亦知不可修，能見牟尼尊。
	智	如是見佛者，功德不可量，一切所有行，寂靜空無相。

華嚴經菩薩雲集妙勝殿上說偈品之三

東南方——普賢法界智 善慧菩薩		爾時，善慧菩薩承佛神力，普觀十方，以偈頌曰：
	佛	妙哉佛世尊，無量諸如來，離害心解脫，自度能度彼。
	法	正見世間燈，如實不顛倒，無量無數劫，積德故見佛。
	僧	諸行空無實，凡夫謂真諦，一切無自性，皆悉等虛空。
	精進	無盡智所說，說者無所說，了知有悉無，故得難思議。
	禪定	無盡說無盡，眾生空寂故，知彼真實性，則見大名稱。
	般若	無見說是見，無我說眾生，說見及眾生，是二悉非有。
	方便	見者無所見，是見不壞相，是名真實法，一切佛所說。
	願	能知真實佛，及佛之所說，普見一切世，如佛盧舍那。
	力智	如來等正覺，善說明淨道，精進慧菩薩，演說無量法。 有無諸法相，一相平等修，如是能見佛，安住真實際。
西南方——文殊應用智 智慧菩薩		爾時，智慧菩薩承佛神力，普觀十方，以偈頌曰：
	佛	我聞最勝教，即生淨慧光，普照十方世，悉見一切佛。
	法	若計有眾生，是為最難處，法本無真主，但有假言說。
	僧	愚惑莫能知，自身真實性，如來非取相，是故不見佛。
	精進	塵垢障慧眼，不見等正覺，無量無數劫，流轉生死海。
	禪定	流轉則生死，非轉是涅槃，生死及涅槃，二皆不可得。
	般若	虛誑妄說者，生死涅槃異，迷惑賢聖法，不識無上道。
	方便	如是取相者，言有佛等覺，顛倒無正念，是故不見佛。
	願	能知此實法，寂滅真如相，則見最正覺，超出語言道。
	力智	虛妄說諸法，法實無所有，一切諸世尊，諦求不可得。 明了過去世，未來及現在，究竟永寂滅，故說為如來。
西北方——觀音方便智 真實慧菩薩		爾時，真慧菩薩承佛神力，普觀十方，以偈頌曰：
	佛	寧受無量苦，得聞佛音聲，不受一切樂，而不聞佛名。
	法	所以無量劫，受此眾苦惱，流轉生死中，不聞佛名故。
	僧	實以無實法，正覺等真偽，以無和合相，是名為菩提。
	精進	現佛非緣合，去來亦復然，一切法無相，是則佛真性。
	禪定	若能如是觀，諸法甚深義，則見無量佛，法身真實相。
	般若	於實知真實，非實知非實，善解真實際，故號為正覺。
	方便	覺者無所覺，是佛真妙法，諸佛如是修，非一亦非二。
	願	知一法為眾，知眾法為一，法無所依處，云何而緣合。
	力智	作者及所作，二俱無所有，若能如是解，求之不可得。 是處不可得，諸佛所依止，法無有所依，覺者無所著。

華嚴經菩薩雲集妙勝殿上說偈品之四

無上慧菩薩	下方——法性智		爾時，無上慧菩薩承佛神力，普觀十方，以偈頌曰：
		佛	無上摩訶薩，遠離眾生相，上相無所有，故號為無上。
		法	微妙無所有，麤者亦復無，諸佛之所得，非望亦非作。
		僧	是法不可數，諸佛之境界，亦離於無數，是名佛真法。
		精進	慧日照十方，滅除眾闇冥，亦非有所照，亦復非無照。
		禪定	常樂寂靜法，永離有所依，解脫無依處，不染一切法。
		般若	善見大智者，真實所依住，若無有二法，當知一亦無。
		方便	無一亦無二，一切皆寂滅，三種世間空，是則諸佛見。
		願	諸佛教眾生，安住正法中，解達無所住，當見真實身。
		力	非身即是身，不轉不可見，無轉亦無見，是名無上身。
		智	真慧所演說，無量諸佛法，若聞此法者，常得清淨眼。
堅固慧菩薩	上方——法界智		爾時，堅固慧菩薩承佛神力，普觀十方，以偈頌曰：
		佛	眾生不知恩，如來發慈慧，出現於世間，普照除眾冥。
		法	起大慈悲心，普觀諸群生，具受無量苦，永縛在三有。
		僧	唯除等正覺，最勝尊導師，一切天人中，無可歸依者。
		精進	世界若無佛，及眾賢聖人，彼諸群生類，無有一切樂。
		禪定	如來眾賢聖，出現於世間，為開淨慧眼，令得永安樂。
		般若	若見如來者，為得最大利，聞佛名歡喜，則是世間塔。
		方便	我等獲善利，現前覲如來，聞斯微妙法，悉當成佛道。
		願	三世明解脫，甚深諸境界，一切眾菩薩，清淨開慧眼。
		力	我等重歡喜，見佛盧舍那，無量無邊智，演說不可盡。
		智	無上慧堅固，及諸佛子等，無數億劫中，說佛德無盡。

附14-1：華嚴經菩薩雲集妙勝殿上說偈品十方世界集眾上首菩薩

		上 - 法界智			
		世界	虛空世界		
		佛號	無量自在月佛		
		菩薩	堅固慧菩薩		
		寶座	毘盧遮那藏師子座		
西北 - 觀音方便智		北 - 成所作智		東北 - 彌勒法相智	
世界	星宿世界	世界	優鉢羅華世界	世界	妙行世界
佛號	星宿月佛	佛號	香風月佛	佛號	自在天月佛
菩薩	真實慧菩薩	菩薩	功德慧菩薩	菩薩	精進慧菩薩
寶座	毘盧遮那藏師子座	寶座	毘盧遮那藏師子座	寶座	毘盧遮那藏師子座
西 - 妙觀察智		中 - 自性本體		東 - 大圓鏡智	
世界	眾寶世界	世界	娑婆世界	世界	因陀羅世界
佛號	不動月佛	佛號	毘盧遮那佛	佛號	不變月佛
菩薩	勝慧菩薩	會處	須彌山頂妙勝殿	菩薩	法慧菩薩
寶座	毘盧遮那藏師子座	寶座	普光明殿師子座	寶座	毘盧遮那藏師子座
西南 - 文殊應用智		南 - 平等性智		東南 - 普賢法界智	
世界	歡喜世界	世界	蓮華世界	世界	善行世界
佛號	無上月佛	佛號	無盡月佛	佛號	清淨月佛
菩薩	智慧菩薩	菩薩	一切慧菩薩	菩薩	善慧菩薩
寶座	毘盧遮那藏師子座	寶座	毘盧遮那藏師子座	寶座	毘盧遮那藏師子座
		下 - 法性智			
		世界	無厭慈世界		
		佛號	不衰變月佛		
		菩薩	無上慧菩薩		
		寶座	毘盧遮那藏師子座		

*此十方眾上首菩薩說偈讚佛者，表十方信成就，及此十住法於四天下十方之相應成就。

(返回第94頁)